

中国公共图书馆古籍文献珍本汇刊·丛部

罗氏雪堂藏书遗珍



全国图书馆文献缩微复制中心



中国公共图书馆古籍文献珍本汇刊·丛部

责任编辑 姜亚沙

经 莉

罗氏雪堂藏书遗珍（全十六册）

汇刊编者 全国公共图书馆古籍文献编委会

本书编者 王荣国 王清原

原书藏者 辽宁省图书馆

出版者 中华全国图书馆文献缩微复制中心

（北京文津街七号）

印刷者 临京古籍印装厂

发 行 者 新华书店北京发行所

印刷日期 二〇〇一年八月

印 数 一一二〇

定 价 七六〇〇元

未经授权 不得翻印

罗氏雪堂藏书遗珍目录（九）

子部

美芹十论

卷一

.....五

卷二

.....五一

自叙宦梦录

目录

.....六三

卷一

.....六七

卷二

.....一二七

卷三

.....一八七

卷四

.....二四七

述闻类编

目录

.....三五一



宋·辛棄疾撰

美芹十論二卷

清末唐風樓抄本

羅振玉題識

美芹十論

美芹十篇二卷

宋·辛棄疾撰

鄧本魯鳳對本

羅述王照編

美芳十論

唐公樓遠錄浙江鮑氏舊鈔本

此書見 四庫存目兵家類題 多事孫撫提要謂以西通左武而
用董元字悅道信與進士官至銅城上夫醫執美芳十舉進取也論此或
美芳以人偽題 孫撫云云此本據黃汝陳士可考亭 駁西歲舊鈔本
錄原本書首有翰林院印 孫卿範氏進士原書其中論字甚多此本
可於姑錄其仍其舊不勝肌改也光緒庚申正月十一日王雲五謹記



美芹十論

歷城 辛棄疾

進美芹十論

臣聞事未至而預圖則處之常有餘事既至而後則應之常不足虜人憑陵中夏臣子思酬國耻普天率土此心未嘗一日忘臣之家世受廬濟南代膺閭寄荷國厚恩大父臣贊以族眾拙於脫身被汙虜官由京師歷宿毫涉沂海非其志也每退食輒引臣輩登高望遠指畫山河思投轡而起以抒君父所不共戴天之憤嘗令臣兩隨計吏抵燕山諦觀形勢謀未及遂大父臣贊下世粵辛巳歲逆亮南寇中原之民屯聚蜂起臣嘗鳩聚二千隸耿京為掌書記與圖恢復共籍兵二十五萬納款於朝不幸變生肘腋事乃大謬負抱愚忠填鬱腸肺官閑心定竊伏思今日之勢朝廷一於持重以為成謀虜人利於嘗試以為得計

故和戰之權嘗出於敵而我特從而應之是以燕山之和未幾而京城之圍急城下之盟方成而兩宮之狩遠榛櫓之和反以滋逆亮之狂彼利則戰倦則和詭譎狙詐我實何有惟是張浚符離之師甫有生氣雖勝不慮敗事非十全然計其所喪方諸既和之後投閒蹂躪猶未若是之酷而不識兵者徒見勝不可保之為害而不悟夫和而不可恃為膏肓之大病亟遂齟齬舌以為深戒臣竊謂恢復自有定謀非符離小勝負之可懲而朝廷公卿過慮不言兵之可惜也古人言不以小挫而沮吾大計正以此耳恭惟皇帝陛下聰明神武灼見事幾雖光武明謨憲宗果斷所難比擬一介醜虜尚勞宵旰此正天下之士獻謀効命之秋臣雖愚且陋何能有知徒以忠憤所激不能自己以為今日虜人寔有弊之可乘而朝廷上策惟預備乃為无患故罄竭精懇不自忖量撰成禦戎十論名曰美芹其三言虜人之弊其

七言朝廷之所當行。先審其勢。次察其情。復觀其釁。則敵之虛實。吾既詳之矣。然後以其七說次第而用之。虜固在吾目中。惟陛下面一晝夜之神。沉先物之幾。志在必行。无惑羣議。庶乎雪耻。酬百王除兇報千古之烈。无遜于唐太宗。典冠舉衣。復韓侯雖越職之罪。難逃。野人美芹而獻於君。亦愛主之誠。可取。惟陛下赦其狂僭。而憐其愚忠。斧鑕餘生。實不勝幸萬幸萬之至。

審勢

用兵之道。形與勢二。不知而一之。則沮於形。眩於勢。而勝不可圖。且坐受其弊矣。何謂形。大小是也。何謂勢。虛實是也。土地之廣。財賦之多。士馬之眾。此形也。非勢也。形可舉以示威。不可用以必勝。譬如轉嵌岩于眾仞之山。轟然其聲。崑然其形。非不大可畏也。然而塹亩木拒。未容於直。遂有能迂回而避禦之。全力殺形禁。則人得跨而踰之矣。若夫勢則不然。有器必可用。有用

必可濟。譬夫注矢石于高墉之上，操縱自我，不係於人有軼而過者，抨擊中射，惟意所向。此實之可慮也。自今論之，虜人雖有嵌岩可畏之形，而无矢石必可用之勢。其舉以示吾者，特以威而疑我也。謂欲用以求勝者，固知必未必能也。彼欲致疑吾，且信之以為可疑，彼未必能。吾且意其或能，是未詳夫形勢之辨耳。臣請得而條陳之。虜人之地，亦東薄於海，西抵於夏，南抵于淮，北極于蒙，地非不廣也。虜人之財，筌兵于民，而無養兵之費，靳恩於郊，而無泛恩之賞。又輔之以歲幣之相，仍橫斂之不恤，則財非不多也。沙漠之地，馬所生焉，射御長技，人皆習焉，則其兵又可謂之眾矣。以此之形，時出而震我，亦在所可慮。而臣獨以為不足恤者，蓋虜人之地，雖名為廣，其寔易分。惟其无事，兵刼刑制，若可糾合。一有驚擾，則忿怒紛爭，割據蜂起。辛巳之變，蕭鷗巴反於遼，開趙反于密，魏勝反于海，王友直反于魏，耿京

反于齊魯親而葛王又反于燕其餘紛紛所在皆是此則已然之明驗是一不足慮也虜人之財雖多為多其寔難恃得吾歲幣惟金與帛可以備賞而不可以養士中原廩窖可以養士而不能保其无失盖虜政龐而官吏橫常賦供億民租可支意外而有需公實取一而吏七八之民不堪而叛叛則財不可得而反喪其資是二不足慮也若其為兵名之白多又實難調而易潰且如中原所簽謂之大漢軍者皆其父祖殘于蹂踐之餘田宅罄于搥剝之酷怨憤所積其心不一而沙漠所簽者越在萬里之外雖其數可以百萬計而道里遼絕資糧罷甲一切取辦於民賦輸調發一歲而不可制始逆亮南寇之時皆是誅脇酋長破滅資產人乃肯從未幾中道竄歸者已不容制則又三不足慮也又况虜廷今用事之人襍以契丹中原江南之士上下猜防議論齟齬非如前日粘罕兀朮輩之叶且骨肉間僭殺成

風如聞偽許王以庶長出守於汴私收民心而嫡少嘗暴之于
文此豈能終以无事者哉我有三不足慮彼有三無能為而重
之以有腹心之疾是殆自保之不暇何以謀人臣抑聞古之善覘人
國者如良醫之切脉知其受病之處而逆其必殞之期初不為肥瘠
而易其智官渡之師袁紹未遽弱也曹操見之以為終且自斃者以
嫡庶不定而知之咸陽之都會稽之游秦尚自強也高祖見之以為當
如是矣項籍見之以為可取而代之者以民怨已深而知之蓋國之亡
未如民怨嫡庶不定之為酷虜今並有之欲不亡何待臣故曰形與
勢異惟陛下實深察之

察情

兩敵相持无以得其情則疑疑故易駭駭而應之必不能詳有以得
其情則定定故不可惑不可惑而聽彼之自擾則權常在我而數實
受其弊矣古之善用兵者非能務為必勝而能謀為不必勝蓋不可

勝者乃所以徐圖必勝之也。我欲勝彼亦志于勝。誰肯處其敗。勝敗之情戰于中。而勝敗之機未有所決。彼或以兵來。吾敢謂其張虛聲以耀我乎。彼或以兵遁。吾敢謂其非匿形以誘我乎。是皆未敢也。然則如之何。曰。權然後知輕重。度然後知長短。定故也。他人有心。予忖度之。審故也。能定而審。敵情雖萬里之遠。可坐察矣。今吾藏戰于守。未戰而嘗為必戰之待。寓勝于戰。未勝而嘗有必勝之理。彼誠虛聲以耀我。我以靜應而不輕動。彼誠匿形以誘我。我有素備而不可以乘。勝敗既不能為吾訖。則固神閒而氣定矣。然後徐以吾之心。度彼之情。吾猶是彼亦猶是。南北雖有異慮。休戚豈有異趣哉。虜人情偽。臣嘗熟論之矣。譬如猛狗焉。心不肯自閑。擊之則吠。吠而後却。呼之則馴。馴必致齧。蓋吠我者忌我也。馴我者狎我也。彼何嘗不欲戰。又何嘗不言和。惟其實欲戰。而乃以和狎我。惟其實欲和。而乃以戰要我。此所以和

無定論而戰無常勢也尤不可以不察曩者兀朮之死固嘗囑其徒使與和曰韓張劉岳近皆習兵恐非若輩所敵則是其情真欲和矣然而未嘗不進而求戰者恐出于忌我而要我也劉豫之廢亶常慮無以守中原則請割三京亶之殺亮常惧吾有問罪之師則又謀割三京而還梓宮亮之殞褒又嘗緩我追敗之師則復謀割白溝河以丈人行事我是其情亦真欲和矣非詐也未幾亶之所割視吾所守之人非其敵則不旋踵而復取之亮之所謀窺吾遣賀之使知其無能為則中輟而萌辛巳之逆褒之所謀悟有班師之失无意於襲則又反覆於有意外之請夫既云和矣而復中輟者盖用其狎而謀勝於我也今日之事揆諸虜情是有三不敢必戰三必欲嘗試何以言之空國之師商堅不遠彼必不肯再用危道萬一猖獗特不過調沿邊戍卒而已戍卒豈有能必其勝此一不敢必戰也海泗唐鄧等吾既得之彼用師三

年而无成則吾有攻守之士而虜人已非前日之比此二不敢必戰也契丹諸胡側目于其後中原之士扼腕于其前令之雖不得不從從之未必不反此三不敢必戰也有三不敢必戰之形懼吾之窺其弱而絕歲幣則其勢不得不張大以要我此一欲嘗試也貪而志欲得其求不能充其所欲心惟務于僥倖謀不暇于萬全此二欲嘗試也且彼誠欲戰耶則必不肯張皇以速我之備且如逆亮始謀南寇之時劉麟蔡松年一探其意而導之則麟逐而松年鳩惡其露機也今誠必戰豈欲人遂知之乎彼誠不敢必戰耶貪殘无義忿不顧敗彼何所恤以母之親兄之長一忤其意一利其位亮猶弑之何有于我況今汭海造艦汭淮治具包藏禍心有隙皆可投敵謂之終遂不戰乎大抵今彼雖无必戰之心而吾亦不可不防其欲嘗試之舉彼于高麗西夏氣足以吝之故于其使之至也坦然待之而无他惟吾使